

Зумарду Аллагънал ﷻ кьамул дуваннав!

Дагъусттаннал Муфтиятрал чулуха ва ттула чулуха барча буллай ура цинявпагу мусульман Зумаритавал кьинилушчал!

Ва хъанахъиссар Исламравусса яла хъуними байраннавасса ца. Зумаритавал кьини – дусшиврул, цими бушиврул, уссушиврул лишанни.

Гъашину Рамазан барз багъунни яла кьиримий гъантрайн. Амма цуксса захлмат хъурчагу, мусульманнал яхI буну, рязину дугълай бия зумарду, буллай бия таравихI-чакру. Мизитирттаву дуллай бия ифтIарду, чIа тIий бия Аллагънаяту ﷻ цими.

Рамазан зуруй жува хьул бишару дакI марцIшиврийн, аьркин бакъасса пикрирду арх бувару, обсса махъ учаврия, щялмахъ бусаврия, кьалмакъл даврия бурувчуну бикIан хIарачат бувару, мискинминнай аякъа дувару. Нагу чIа учин ччай ура Аллагънахъ ﷻ жура дуллалимунил ниятру ялунчIилсса Рамазан барз бучIаннингу личIаннав, тIий.

Гъарчагу мусульманчув-



нал обрмуду Рамазан барз хъанахъиссар хъхъичIвасса къаччанбикIавуртту хъама риртун, гъанмаччаминнащалсса арарду цIакъ бувансса сант.

ЧIа тIий ура цинявннангу гъарца шинал ва байран цалва кулпатиртташчал, гъанминнащал хъуна дакъавансса цIуллушиву.

Аллагънал ﷻ кьамул дуваннав жула зумарду, хъинсса аьмаллу, багъишла битаннав бунагъру, дуняяллий буцириннан цIуллушиву дулуннав, жула ялувсса ссав паракъатну личIаннав. Миллатру чIявусса жула ватангу тIутIайх дичиннав!

ДАГЪУСТТАННАЛ МУФТИЙ АХИМАД-ХИАЖИ АБДУЛАЕВ

ДИН ВА АГЪАЛИ

ЯхI бусса хъамитайпа

Аллагъ ﷻ дакIниву усса чIумал

Ца шанна шинал хъхъичI, лакрал хIажлин нанисса инсантуравух Асли тIисса хъамитайпагу бия. Му дакIний личIавугу мукун хъуна, му бия хъинну нигъа буслай, хIажлийн кьалавгун кьаличIан.

Уттигъанну тIурча Асли-хIажли цичIанма «Ас-салам» кказит чIумуй къабукIлай бур тIий, редакциялийн овтIий дъяви буллай бия.

ЦIуссалакрал районналий ми иширтталсса булла-лисса вакилнайн оввкуну, му иширая жул гьалгъа хъуна, аммарив ца кIива зурува ялагу мунил оввкуну, кказит зурул бай-бихъулий биян буллан кьашайсарив тIий.

ЛАЖ. 2

БАЙРАН

Барча зумаритавал кьини!

Ассалам аьлайкум ххирасса уссурвал, ссурвал. Ас-салам кказитрал редакциялул зузалтрал чулуха дакIнихтуну барча буллай буру ва Зумаритавал кьинилушчал. Аллагънал ﷻ кьамул дуваннав дургъусса циняв зумарду, дурсса цимурца ибадат, бувсса садакъарду. Вайннуясса чири цалчин МухIаммад Идавсин ﷺ, яла мукъагу халифнан, циняв асхIабтуран, имамтуран, шейхтуран, устазтуран булуннав, хъири цинявптагу мусульмантуран бияннав, жулва ахиратрайн лавгсса мачча-гъаннан, агълу-авладирттайсса цинявннан бияннав.

Рамазан зуруй Аллагънал ﷻ гъарца кьини зума итадакъайсса чIумал цимигу азарахъул дуржагъравун гъансса инсантал багъишлагу бивтун, минная Алжаннул агълу бувайссар тIий бур, жула гъанмий цинявпта Алжан нясив бивминнавух лякьиннав. Лакрал миллатравунгу цала Дагъусттаннангу барачатишиву дулуннав, кьашайшивуртту, захIматшивуртту Аллагънал ﷻ яла ласуннав, Цала цими бивхъуминнавух жувагу лякьиннав!

«Ас-салам» кказитрал редакция



Заралмуния личIлулну хъинссар



ЛАЖ. 3

Мегъенди



ЛАЖ. 6

Ттуршра цIуцIаврин дарув



ЛАЖ. 7

ЯхI бусса хъамитайпа

1 « Ва хъинну дакI цIуцIисса инсан бурха, ваксса ялув бацIлай, цичланма кказит чIумуй биян буvara тIий, куну, лавгссияв га яхъанахъисса Новостройрайсса ЦIуссалакрал шярвун, му ишгу щаллу бувну, мунищал гьалгьагу буван.

Шиккува учин, Асли-хIажинахъу, мукума цинявпа «Ас-салам» кказит чичайсса инсантурахъу хъунмасса миннатри: жу багъишла битияра, кказит чивчуну чIумуй биян къабаву, ягу бувагу биян къабаву, му хъуннасса жуйсса ай хъанахъиссар. Уттигу тикрал буллау ура, цалчин ттула чулухату, яла редакциялул чулухату, жу багъишла битияра. ЖучIан баянгу буvara, жу му иширал хъирив букканшиврул.

Асли-хIажиначIан бувкIсса чIумал жун му льякьуна багъраву зий. Новостройрайсса аьрщи кIусса, къанкъасса дунугу, ваничIа чIалай бия мадарану гъаз хъусса мурхъругу, личIи-личIисса ахънилссагу. Цуппагу 80-лунния ливчусса шинну дунугу, зумагу дургъуну га кIиришиврий, бургъилух зий булувкъуну бия. Миннууйнува чIалай бия, ва хъинну яхI бусса хъамитайпа бушиву.

Асли-хIажу бувну бур, Лакрал районналийсса Халлаккьял шярвун. Ппу Сагид, нину Шамай, цуппагу Къаттадахъал тухумраву. Ванил цилвагу бур мукьва душ. Медициналул Институтгу бувкуну, Асли зий байбихъуну бур Хасаврайсса азарханалий, гичча гъан бувну бур Кизлярский районналийн, шанна шинай гиккугу зий бивкIун, бувкIун бур ЦIуссалакрал районналийсса азарханалий. Микку мунил 30-ра шинай зий хъунмасса захIматгу бивхъуну бур.

Асли-хIажу буслай бур, цуппа хъинну хIажлийн гъан ччай бивкIшиву. Му лавгун бивкIун бур Чиркейливсса мубарак Саид-АфандиначIангу, мукума цимилагу лавгун бур хIажлийн буллалисса идаралингу. Оьрмулул хъунману чIалай, мигу му тIайла буккан анавар букалай багъахъунссия. Кутлану учин, цалчин хIажлин нанисса чIумалва, муни захIматшивуртту хъуна дакъ-

лан диркIун дур. Мадиалив бувкIсса чIумал, тийх хъинну кIиришиву диркIун дур. Аммарив Асли-хIажу буслай бур, тихун бивсса ххаришиврул кIиришиву чIалайрагу дакъая тIий. Аьламатсса хIал бия тIива, рахIатшиву, дакIниву паракъатшиву. Мадиаливгу, Маккаливгу мунил захIматшивуртту ялагу къуртал хъуну дакъар. Группалул хъунаманал му бур цалсса ина шикку бацIу куну къабивтун, цивпагу чуннив лавгун, (ХIажлийн лавгсса инсантуран кIулссар тих заназин чIарусса дуллан

бакъассар. Асли-хIажинащал гьалгъа буллалисса чIумал чIалай бур ва оьрмулиягу рязину бушиву. Вай дуллалисса тIалавшиннарду, хIажлин лагаврил хIакъиравусса дикIу, кказит чIумуй биян буллан аьркиншивугу, мукума цайми-цайми ишругу, бусайсса хаваргу – вайнулул буслай бур Асли хъинну динналул мякьну бушиву, Аллагънал ﷻ ккаккан бивсса ххуллх бачин буллалисса хIарачат бушиву. Жунма цинявннан кIулли гьарца инсаннал личIи-личIисса хIал бикIайшиву. Ца-ца ин-

ва лавгун бур идаралийн, цув хIажлийн тIайла буккьяра тIий. Миннал цал хIажлийн лавгсса хъамитайпа махIрам акъа кIилчин гъан къабучIиссар тIий, мунил мурад щаллу бувну бакъар. Яла ва занан бивкIун бур личIи-личIисса группардал хъуниминначIан, цуппагу буцира тIий хIажлийн. Ттунгу дакIний бур лакраву хIажлийн наниминналсса бувайсса иширттал хъунама Абдурашид-хIажиначIангу бувкIун, цуппа хIажлийн буца тIий. Ваналгу мукума вин тти къабучIиссар тIий, бувчIин буллау унугу, ва ялагу паракъат хъуну бакъар. Цищала махIрамну удинсса инсаннахIугу чIарусса арцу льякьин багълай, мугу щаллу къахъанай, Асли бивкIун бур хъинну къума лаглай, хIажлийн бачай чIунгу гъан хъанай дурхха тIий. Ялагу Асли-хIажу лавгун га Дагъустаннал хIажлил иширттаха зузисса хъунаманачIан, куну бур: «Ина ттухлу Аллагънал ﷻ хъхъичI жаваб дулуннав ттул цалчинсса хIаж щаллу хъуну багъахъурча», – куну. Мукум жаваб дулун къашайшиву кIулсса хъунаманалгу ванихъ цичIав учинсса къаливчIун, ва кIилчингу хIажлийн ита бавкъуну бур. Цуппагу цалчингу, килчингу ва цила хIарачатрай аьркинссаксса арцугу льякьуну лавгун бур, мигу чансса арцу дакъасса жунма цинявннан кIулли.

Мукума, ванил ва «Ас-салам» кказитгу чичай лакку мазрайгу, оьрус мазрайгу. Му биян булланшиврулгу арцу аьркинсса иш бухъурча, мигу дулунна тIун бикIай. Ялагу Асли-хIажу учин ччай бур жула халкъуннахъ, хаснува хъаннихъ. Дуссар личIи-личIисса инсаннал дугъан аьркинсса адабур. Ми адабур къадуллайсса инсаннал иман чан шайссар тIий бур. ЦучIав къаагъссар тIар адаб къариртун акъасса, адаб дургъумагу лахъ къавхъуну къаличIайссар тIар. Асли-хIажу тIий бур хъаннихъ: укунманий чIарарду тIивтуну, бакIру итабавкъуну занарчагу, (мукум заназавугу хъунмасса бунагъри), бивкIу бусса канттурдайн, хIатталлийн нанисса чIумалвагу чIара ларкъуну дикIан аьркинни. ЛивтIуминнал рухIирдан захIматшиву дикIайссар

тIар чIарарду чIалай заназисса чIумал. Гъаттайн бувкIсса чIумалгу гиккун чIарусса зару, хаснува ппиринжру, кканпитIру дичлачаву къахъинссар тIар, цичав дичин ччай бухъурча щаппату бавтIуну ччатIул мюршру бивчун хъинссар тIар, гиккусса ушу-шулгъилул букан. Цадакъа буван, щинчIав кумаг бан ччай бухъурча, миски-гъаривсса инсантал чIявурхха, гайннан бувну хъинни, гъаттал лагма канпитIирттал буцIин къабуллай. Жува му садакъа аьпалухун лавгсса жула мачча-гъаннал рухIирдан, хайрданун бакъару буллалисса. Ялагу, лахъсса хъахъавуртту дуллалаву, ччаннайх ччан бувтун щябикIаву, инсаннал цIа дарккуну тIутIаву, бурушантру буллалаву, хаснува щялмахъ бусласаву, хIан хIачIаву ва мукунна цайми-цаймигу ххуй дакъасса тIуллая арх хъун аьркинни. Аллагънал ﷻ циняв инсантал хъинсса, ххуйсса льяхъан бувайссар, гьарца увсса оьрчI-душгу мусульманталнури ва дунияллийн буккайсса, щяйтIаннул бьякьин буллау, нафсрал баккан буллау, инсантал бунагъру буллан бикIай, амма тавба дуварча, Аллагънал ﷻ багъишла битайссар, тIайласса ххуллийх бачинсса аькьлудухIиннарайнгу буцайссар. Мунияту, инсан циксса чIявусса бунагъру бусса унугу, оьрмулул чIарусса шинну хъусса ухъурчагу, мудар тавба дуллан аьркинссар. Бунагъ бакъассагу идавсталли. Аллагънал ﷻ тавба дурсса инсангу ххирассар тIар, бунагъру бакъассар ттул тIий тавбагу къадуллайиминнаар.

Ва Асли-хIажу кунмасса хъами жула миллатраву цаймигу чIявусса буссар. Вайннал оьрмулуву бивхъусса захIматгу, бувсса яхIгу, дуллалисса виричувшивурдугу жунна чIалан аьркинссар. Вайннах бурувгун махъминангу бучIир пикри буван, жува ва дунияллийн циван бувкIссару, оьрму цукун бутлан аьркинссару, ххуймур-оьккимур цирив кIулу яхъанан. Аллагънал ﷻ цIими бишиннав, дуниялгу ахиратгу тIайла дуваннав! Амин.

ИХТИЛАТ БУВССАР

ШАМИЛ-ХIАЖИ ОьМАРИЕВЛУЛ



багъайссар, мунияту та хъунаманал Аслийн гуж къабан бацIан бувхъунссия). Ци савав хъуссарив, хъунамагу хъирив къавкIун, му бьякьуну бивкIун бур. Ялугълай хъунмасса хIалгу бувну, цуппа цурав, цумур хIукуматрая буссарав бувчIин банссагу акъанува, миллионнайсса халкъуннаву Асли-хIажу Аллагънал ﷻ цIимиллийну Дагъустаннал палаткарду бусса кIанттайн бувккун бур.

Инсан ци бунугу хъинсса, ххуйсса аьмал бан ччисса чIумал, мунахун захIматшивуртту дахчилай духъурча, му аьмал Аллагънал ﷻ къамул баврил лшанни тIар. Ва Асли-хIажу цинна хъуна даркъусса захIматшивурттая бусаврийну аьрза буллау бакъар, шикку миннуя чичавугу мукума щийчIав ай-бювкьу дуллау, ягу ванил захIматсса оьрмулуя бусласисса иш

саннащал хъуна бавкъуну, гьалгъа бувсса чIумал, жува тIун бикIару та пуансса инсан захIматсса хасиятрал ия, танащал бувсса гьалгъалул кIусса хIал бия тIий. Асли-хIажинащал гьалгъа тIисса чIумал вания нанисса хъинсса хIалланул къашавайсса инсангума хъин хъунссия, ччарча чурххал цIуцIаврия, ччарчагу дакIнилми къашайшивурттая.

Асли-хIажу цал хIаж бувну паракъат хъуну бакъар. Цалчин лавгсса чIумал, ванил пикрилий, хIажлий дан аьркинсса ца шартI щаллу къархъуну лирчIа кунма бивзун бур. Мунияту ва пикридай бивкIун бур, та цила бувсса хIаж Аллагънал ﷻ къамул къабувхъунссар тIий. Мукунсса пикрирдал ванин рахIатшивугу къадуллау диркIун дур. ХIажлийн аьркинссаксса арцугу хIадур дурну, Асли ца кIира шина-

Учредитель

Благотворительный фонд «Путь». Газета печатается по согласованию и одобрению Муфтията Республики Дагестан

Редакционный совет

Председатель редакционного совета муфтий РД
Ахмад хаджи АБДУЛАЕВ
заместитель муфтия РД
Махди хаджи МУТАИЛОВ

Главный редактор
Азиз МИЧИГИШЕВ

Редактор

Шамиль ОМАРИЕВ

Заместитель редактора

Иса ОМАРОВ

Канонический редактор

Давуд хаджи ТУМАЛАЕВ

Менеджер

Абдусабир АХМЕДОВ

Дизайн, вёрстка

Мухаммад МУСАЕВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации
П/И № ФС 77-37006 от 29 июля 2009 г.
При перепечатке ссылка обязательна.
Набрано и сверстано на компьютерной базе газеты «Ассалам».

Отпечатано в ООО «Дом печати»
по адресу: пр-т Акушинского, 20

Заказ № _____

Тираж 2 650 экз.

Сдано в печать 31 мая 2016 г. в 17:00

Индекс 51388

Адрес редакции

367027, РД, г. Махачкала,
проспект Акушинского, 5-я линия, 19.
Телефон редакции: 8-928-530-59-70.

По вопросам подписки и доставки обращаться по телефону: 914-222, 8-988-291-42-22.

E-mail: assalamlak@mail.ru, assalamweb@gmail.com
www.assalam.ru

Заралмуния личлулну хъинссар



АБДУЛЛАГЪ ОМАЕВ

Ассалам аьлайкум хурмат бусса кказит буккулт. Ва макьалалуву бусан ччива цанасса инсантурайн дирсса, хъунисса зараллу буллалисса, мусульмансса инсан динналувагума уккан уван бюхъайсса, нигъачлаву дусса азарунния. Му дур ссихирчитурайн, бувчултрайн, бахурду бувултрайн дирсса, ва миннал цаймигу миккун клунку буллалисса къашайшиву.

Цана жува 21-мур ттуршукулуву хъанай бунугу, жяматру, халкъ хъинну хъхъичунмай лавгун бунугу, личи-личисса техникарду дурккуса, чъивусса хаварду баллалисса, оьккимур-ххуймур личи буван хъунсса куннасса чун дунугу, инсантал уттигу цаннавува личлачисса ишру чъивуну хъанай бур. Муку личлачлавлрил ца багъана хъанай бур чъирусса СМИ (телевизорду, интернет, кказитру) хъхъикъини дакъа чичлай, буслай бур ми зарунная.

Микку мий тий бур цакуну авадан шайсса сававру дуванну тий, ччимур журасса захматшивурду щаллу дану тий, лас, шар куннан ку ххира шайсса, ягу ми личи бувайсса ччимур журасса багъанарду буванну тий, инсаннал къашайшивурду хъин дувайсса даруртту бур тий. Муку баян бавуртгал дурцуну дур СМИ. Миннал бихълахъисса къатра хъун мусульмангу чъивуну

бирилай бур, цанчирча ми бур личи-личисса динналул лишанну ишла дулла, масала, Къуръанналул аятру чичлай, мунияту мусульмангу бур миннайн вих хъанай.

Цукун буручлан аьркинссар укунсса балардая, хаснува мусульмансса инсантурайн. Аллагу Тааьла Къуръаналий тий ур (мяна): Я инсантал, хлантту хлачлаву, къанчирдай вих шавурду, азартравун лагайсса бялахъавурду, ссихирду буллалаву – ми хъанхъиссар щайтаннул туллаясса. Зу минну архну бацйира!» (сура аль-Маидат, аят 90). Мухаммад Идавсил куну бур (мяна): «Агарда инсан лавгун бувчултрачлан, ссихирчитурачлан, миннал кусса заруннайн вих хурча, му хъанайсар ттуйн вих акъаману» (Хаким, Байгъаки). Муку хладисраву тий бур (мяна): «Сихирду бувайсса, бувчлан бикъайсса халкъунначлан лавгун, миннахъ цичлаву цуьххирча мусульманнал бувсса чак мукъцалва гъантлий къамул къабувайссар» (Муслим). Аммарив минначлан лавгун, миннал увкумунийн вих хурча, муку инсаннал хъуннасса нигъ дуссар тар динналува уккан, чапурчув хъун. Аьшатлуя буслай бур: «Цавай инсантурал цуьвххуна тар Мухаммад Идавсехъ ми бувчултрая. Идавсил увкуна тар: «Миннаву цичлаву тйаласса бакъасар», – куну. Гайннал ялагу куна тар: «Я Аллагу Идавс, гайннал тисса зару цал-цал тйаланугу якъайхха?» Идавсил куна тар: «Ми жиннал хавардур, жинналун бавсса зару гай бучайчултрахъ бусайссар тар, гайнналу ттуршва къатйалассагу ялув бивхъуну, халкъуннахъ бусайссар тар».

Утти бувкун бур цаймигу, ливтлусса инсантурачла хаварду бусару тисса. Минналу ивклусса адаминал инсаннал рухл дучлан дувару тий, шарссаничлан чъирусса арцурдугу ласлай, хъами хъаврин бувайссар. Ласнал рухилрал кланай щайтан бучайсса бур, муку инсантал ишру гъарзану хъанай бусса бур.

Мусульмансса инсаннал динналул ца бутлану хъанхъиссар Аллагу Къадарданийн вихшиву. Мунияту къабучиссар, ци хъуннай буричлу буванна тий, бувчултрачлах занан. Аллагу Къадар цукунсса бунугу, му къа-

мул буван аьркинссар. Муку хъанан гороскопал бусласисса заруннайнгу. Аллагу Куну бур (мяна): «Лакълай бия мий хайр бакъасса зару, муку минна киллуссия бакъашиву цанма ахиратраясса бутла» (аль-Бакъара, аят 102). Мухаммад Идавсил куку бур (мяна): «Аллагу Къадар килл лагайсса чумал, зу гъалгъа къабитияра» (Табарани).

Аьли ибн Абу Талибнал бувсун бур Мухаммад Идавсил хладис (мяна): «Шама инсан Алжаннавун

тисса, Къуръанналул сурарду. Вай сурардаву дуссар ацния цацара аятру. Миксса хлатру бивчуну бивчун бур Идавсил чларарай. Мухаммад Идавс гай сурарду ккалай айивхъукун, гъарца аят дуккайхту, ца курхъ ттирихлайсса диркиссар, ва муку муна бигъашиву хъуссар. Исламрал шариабраву муку инсантал иширттаха зузисса, бахурду буллалисса инсантурайн хъинну хъуннасса танмихл буссар. Аьлимтурал тий бур, минна танмихл литлаву дуссар тий. Цана жучлара шариабтрал законну зий



«Бучантйимур килли тима – чапуршиву загъир дурмари» (хладис)

къауххантиссар: хлантту хлачулт (миннаву бухлайссар наркотикру ишла буллалимигу), мача-гъанминная арх хъанхъими, ва бувчултрайн вих хъанхъими» (Ахмад).

Лябид аль-Асам тисса ца жугъутнал Мухаммад Идавсийн бахлу бувну бивкиссар. Идавс хъинну захматну къашай хъуссар. Микку Жабраил малаик увчун, бувсуссар? му бахлу бушиву Зарван тисса щинал къувилуву. Мухаммад Идавсил гъан бувну асхабтал лавсун бувкиссар га бахлу бувну бивкисса ттарал, ганий диркун дур Идавсил члара. Ва иш хъуну махъ диркиссар «аль-Фалакъ» ва «ан-Нас»

дакъатий, жуцава хъанай бакъар муку танмихлру булан, аммарив минна киллу бикан аьркинссар Аллагу танмихлрая лихъан къахъунтйиву ссихирчитурачагу, бахурду буллалиминначагу, бувчултра тий, халкъ хъаврин буллалиминначагу.

Ххирасса уссурвал-ссурвал жунма килли цимурца Аллагунай бушиву: оьмургу, хъинмургу. Цукунсса чичру духурчагу, муку аьркинссар жура къамул дуван, цанчирча ва дунийал инсаннал чумунуйнуса клану бунутий.

Аллагу буруччиннав цинявпагу инсантал заралмуния. Амин!

ЦУССА ХАВАРДУ

Исламрал асарду Хасаврай

Июнь зурул 24-нния июль зурул 5-ннийн бияннин Хасаврайсса Хъун мизитраву дирхъуну дия халкъунна ккаккан тамансса исламрал асарду (реликвия).

Миккун бувкминнаща бювхъунни цала яруннин ххал хъун Мухаммад Идавсил бакъраясса члара, Къабалул килла, Идавсил нагъ дутлайсса кичлу, щин хлачлайсса кичу, мунал тур, Идавсил гъаттай бивкисса чирахъ, мунил къапудух лархъун диркисса янна, гъаттаясса аьрци ва цаймигу барацатгсса асарду – цинугу 41. Миннувах дия асхабтурачла ва хъунисса аьлимтурачла дархлусса затругу.

Махлалчлалая Хасаврайн асарду диян дуруна ряхцалва автомашиналий. Щала ххуллийх ми хъуна дакъин бувкун бия чларавсса щярхъавасса агъали.

Асарду Хасаврай хъуна даркъуна шагъру-



лул администрациялул зузалтрал, диндалул ишбажаранчитурал, шагърулул ва районналул жаматрал, Чачаннава хъамалуннал.

Жучланна вай асарду дирну дур асхабтурал заманная шиннай никирая никирайн дулла.

Къуръан бувкуну килчинмур клану

Июнь зурул 12-нния 23-ннийн бияннин, мубараксса Рамазан зурул гъантрай Дубайлив хъунни Къуръан буккавил Халкъуннал дяннвсса 20-мур конкурс. Жула хукуматрайсса мусульман ххари бувунни микку гуртту хъуну килчинмур клану бувгъусса Билал Аьбулхаликьовлул.

Билал ванияр хъхъичгу гуртту шайссия укунсса конкурсраву. 2012-ку шинал ванал бувгъуссия цалчинмур клану щала дунийаллиясса Къуръан буккултрал дяннв.





Зума ритаву Сайфуллагь-къадинал цанийсса мизитраву. Махлачкъала



ДРОО «Лакрал жагьилтал» Дагьусттаннал муфтийнал луттирацал Ккуллал районналий



Лакрал къянкъасса виричу



Лакрал жагьилтал Хасаврай Мухаммад Идавсил асардачла



Къубиял шярвусса мизитраву таравих-чак буну махъ



Клундиял шярвусса Вали Валиевлул кумаг бунуни Лаккуйсса инсантуран



Зума ритаву Гьамияциял шярвусса мизитраву (Новострой)



«Вирттал» клубрал спортсментал дуклаки оьрчан чатларакі ритан лахьхьин буллай



Ислам Хлажибуттаев ва Мухаммадрасул Магадов «Инсан» фондраву



Лакрал районналул имамтал дявватрай



Новостройрайсса Дучиннал шярвусса мизитраву



1-мур Цувкратусса Сантуев Сиражудин члатаракл ритлай



Лакрал жагылтал каратэлул турнирданий Тюхчарав (Новострой)



Шихмурад-хлажи ва Шагъбуттин-хлажи



Дагъустаннал вакилтал Чачаннаву.



Махлачкъалаливсса Хъун-мизитрал имамнал хъиривчу Мухаммад-хлажи Саламов нюжмар кьини вяъза буллай



«Ас-салам» кказитрал Лаккуйсса вакил Хлусман Хлажимухаммадов кказитру биан буван хладур хъанай



Цуссалакрал имамтал ва дуклаки оьрчлру ветеранначла хъамалу



ДРОО «Лакрал жагылтал» Ххув шаврил кьини Гъумук члатаракл ритаврил турнирданий



Рутуллал районналийсса «Ас-саламрал» вакил Оьмар-хлажи ва лакку мазрайсса «Ас-саламрал» редактор Шамил-хлажи Дюхъуллал имам Хладисов Хладислуцал



ДРОО «Лакрал жагылтал» ххувшаврил кубокрацал



Новостройрайсса Цуссалакрал шяравусса мизитраву мавлудрай



Лакрал жагылтал боксрал турнирданий Махлачкъалалив

Мегъенди

Михълишалттуй бакрал чара ранг дайшиву цинявннан килли. Амма михълишали цайми иширттангу аьркин дувайсса диркиссар. Масала – мегъенди. Мегъенди – му базулий ссал дунугу сурат даври. Европа-наву мунин учай татуаж. Мегъенди дуллаллини бурчу баххана къашайссар ххалаххив къакъутлайссар. Исламрал татуажрай къадагъа дирхъуссар. Михълишали чурххай дишаву турча, дишингу бучиссар, дирхъунугу хъинссар.

Михълишалттуй чурх чюлу баву диркиссар авзал заманнайва Вавилоннай, Месопотамиянаву, Грециянаву. Яла-яла му чюлушиву дувайсса диркун дур хъаннил, уттигу дувайсар бусурманнал хкуматирттай, Ухссавнил Африканаву, Индиянаву.

Мегъендилий дувайсса суратру ца куцсса къадиклайссар, хъунмурчинсса иш михълишалттулли ва хъаннил чурххал рангиралли. Амма гъарца миллатрал цанна-цанна суратру диклайсса дур. Масала, бербертурал дайсса дур суратру кунтру, аьшру дурну, чявуминнал дувайсса дур хъунисса суратру, хъунисса члапив бусса ххяхиялул ягу тугтал. Индиянал хъаннил дувайсса

дур исвагъийсса накъич.

Цакъсса, магъирсса накъич хъуншиврул михълишали хладур дувайсар дишиннин ца гъантлул хъхъич. Мегъендилул личишивугу мури. 20 грамм михълишалттуя хъун дувайсар 100 грамм мегъендилул.



Ласайссар:

- 1) михълишали;
- 2) лимондалул сок;
- 3) чансса качар-песок;
- 4) шприц (ххалаххи бакъасса).

Мегъенди дуваннин хъхъич михълишали кичлайссар кичулулттувух, яла ца хъунна къуса дуцин дурну (20 гр.) дичайссар пюрундалул кичулулун, гивунна рутлайссар стан лимондалул сокрал. Га кичу

кучу буну бишайссар цансса гъелисса кинтай, гъелисса щинавугу бишин бучиссар. Дяркъусса щин рутин къабучиссар, мегъенди зия шайссар.

Гунттихавай кичулулун бичайссар качар – ца чяйлул къуса. Яла гай хлала дайссар, бучиссар лимондалул сок руртуну хъюму дувангу. Мегъенди хъиннура хъюму хурча эки лаглан диклайссар – михълишали ххи дуван бучиссар. Накъич дувайссар марцисса бурчуй, бутлайссар экалиптрал нагъил шанма кунт (накъич тамансса хлалай зия къашайссар).

Цукунсса накъич дуван ччай дуссарив дурчуну, цал га ласайсар картондалин, яла къукъайссар накъич. Га накъич базулий дирхъуну, бачивасса кинтурду буцин бувайссар мегъенди дихълай. Мегъенди дишайссар шприцра, миц бусса таннух ва м. ц. Мегъенди къаркъукун 2 ссятрава накъич дусса картон букъан бучиссар, амма 6–8 ссятрай битарча, хъунмасса хлалай къалиххайссар. Най дунура ранг хъун буюхайссар чаннасса, шанма-мукъва гъантлува хъинну аьнтикласса шайссар. Накъичру ду-

вайссар личи-личийну, масала, цал ца чагъарунний сурат дурну, га мегъендилий дуцин дурну дишайссар чурххал базулий.

Ягу чурххай дувайссар накъич фломастерданий, яла ганил ялтту дишайссар мегъенди. Ка усттарсса хъаннил дувайссар накъичру ссахчлав къабурвугун, цалла бакрава.

Накъич ччяни къалихханшиврул:

1. Ссахиван ганийх чявуну къабуккайссар.
 2. Баргъ буний чявуну бавцуну хъинссар.
 3. Каруннай ва ччаннай шайссар яла ранг ххуймур накъич.
 4. Накъич дусса кинтту чявуну атил бувайссар качар бивчусса лимондалул сокрай.
 5. Бучиссар кунжутрал, миндальданул нагълий аьгъу дуван.
 6. Чявуну гухъа битларча, ранг буюхайссар лиххан.
 7. Мегъендилул ранг зуруйгу къалиххайссар.
 8. Ранг ччяни лихларча, бучиссар цунуца, ялтту мегъенди дуккан.
 9. Михълишалттул ранг гужсса рангри, чун дунугу янналин дагъарча, лиххан дуван захматссар.
- Зун тайлабацуну баннав!
Мегъенди аьркин дувайссар январдай ххалилсса накъичру дан. Мий хъинну чюлуну диклайссар.

ПАТИМАТ ХАМЗАТОВА

СУАЛ-ЖАВАБ

Буккултрал суаллу



Бучиссарив шеш-бешрай буклан?

Мухаммад Идавсил ﷺ хладисраву увкуну бур: «Шеш-бешрай уккайма – цала кару дунгузрал оьттувун диркима кунассар». (АхИмад, Муслим, Абу Давуд, Ибн Маджагъ, Ибн Хиббан).

Цамур хладисраву тий бур: «Шеш-бешрай уккайма Аллагънайну ﷻ Идавсийнгу ﷺ аьсив хъумари» (Абу Давуд).

Имам АхИмадлул ва Байгъкьил бувцусса хладисраву куну бур: «Шеш-бешрай уклайгу ивкун, чак буван авчума – дунгузрал оьттуг чаклингу ивссуну чак буван нанима кунассар».

Шамулчинма халиф Оьсман ибн Аьффанул увкуну бур: «Шаппа шеш-беш буманал му ччуччича!».

Имам Дайламил бувсусса хладисраву куну бур: «Шеш-бешрай буклакминнал чарах нанисса чумал миннахъхъун ссалам мабулари, миннал булурчагу жаваб мадулари».

Куръанналувугу увкуну бур азарт дусса туркурду хларамсса бушиву.



Чаклил хърив дуккайсса дуарду (азкарду) къадуккирча бучиссарив? Тун бавссар азкарду къадурккуну бувсса чак Аллагънал ﷻ къамул къабувайссар тий.

Чак буну махъ, гичча изаннин азкарду дуккаву сунна хъанахъиссар, дуркуманан чиригу буссар, ца чаклия гамунийн иянинн шяйтланнуя ва цайми бала-апатирттая урувчунугу иклайссар. Ми азкарду дуккаван жуйнма васият бувсар Мухаммад идавсил ﷺ, мунал цалагу дуккайсса диркиссар.

Имам Бухаринал луттиравусса хладисраву увкуну бур Ибну Аьббаслул ﷺ бувшиву, Мухаммад ﷺ идавсил заманнай чак буну мукъах лахъсса чуний аз-



Шяраву нюжмар чак буланшиврул цукунсса шартру диклан аьркинссар?

Нюжмар чак чара бакъа буван аьркиншиву бувсун бур Куръанналул аятирттаву (мяна): «Нюжмар къини чаклийн оьвтисса чумал, зула давурттугу къадиртун, Аллагъ ﷻ кичи лаглан анавар буккира!» (сура «аль-Джума»).

Нюжмар чак баву ялувссар шяраву ялапар хъанахъисса циняв балугъравун бивсса, аькьилсса, тархъансса, къашай бакъасса арамурай ва шяравилли чарав ца фарсахрал (5544 метра) архиврий яхъанахъиминнай. Мунир архну яхъанахъиманан азан баллай бухурча, мунангу чара бакъа нюжмар чак буван аьркинссар.

Хлалалсса сапарданийсса

мусульманчунан нюжмар чак баву ялув бакъассар, му сапар 83 километралуяр лахъисса бухурча. Мунал ччарча ахтгайн чак буну щаллу хъунссар, ччарчагу нюжмар чак буван ихтияр дуссар.

Хъами ягу балугъравун къабухъсса оьрчру нюжмар чаклийн бучлаву бурж бакъассар.

Нюжмар чак баврил масала луву шяраву мизит бушиву ягу бакъашиву хисавравун къаласайссар. Мизит бакъар, ягу муний минара бакъар, ягу миву минбар бакъар тий, нюжмар чак къабуллан ихтияр бакъассар. Мизит бакъахурча, щил-бунугу къатлуву буван бучиссар, ягу къатлув, ариб бувкун бувайссар.

карду дуккайсса диркешиву. «Гай азкардал чунийну тун кул шайва чак къуртал хъушиву», – увкуну бур Ибн Аьббаслул ﷺ.

Ва бакъассагу, чявусса хладисру буссар чаклил хъирив дуккайсса азкардал даражалау буслалисса.

Амма азкарду къадуккирча, чак къамул къашайсар учаву къатлайлассар, ми дуккаву чаклил рукнурдавун къадуххайнутий.



Ца-цавайннал кюрххил чаклил килчинмур ракааьтраву «Магъдина» («Къунут») дуккай, цавайннал къадуккай. Цукунни тлайласса?

Имам Малик, аш-Шафии, ибн Абу Лайла, Хасан ибн Салих, Абу Исхакъ аль-Гъазали, Абу Бакр ибн Мухаммад, Хаким ибн Утба, Хаммад, ан-Навави, Авзаи ва Шамливсса чявуми аьлимтал тий бур гъарца кюрххил чакливу «Магъдина» дуккаву суннатсса бушиву. Мунин далилнугу хъанахъиссар Имам АхИмадлул Анаслугу бувсусса хладис: «Мухаммад идавсил ﷺ гъарца кюрххил чакливу «Къунут» («Магъдина») дуккайва». Ва хладис тлайласса бушиву тастикъ бувсар имам Аль-Гъайсамил, имам ан-Нававинал, аль-Хафиз аль-Бальхи, аль-Хаким, аль-Байгъакъи ва цаймигу имамтурал. Мунин буну, шафии мазгъабраву му дуккаву хъанахъиссар гужсса суннат.

Килчинма халиф Оьмардулгу ﷺ кюрххил чакливу «Магъдина» дуккайсса диркиссар асхлбтурацал архлал.

Гъарца чаклил махъра махъсса ракааьтраву «Магъдина» дуккаву хъинссар мусульманнал ялун ца бала буну ягу биявай бусса чумалгу. Мукул тий бур вай аьлимтал: Ибн Аьббас ﷺ, Ибн Оьмар ﷺ, Ибн Масъуд ﷺ, Абу Дардаъ, Ас-Саври, ибн аль-Мубарак, Абу Исхакъ, Имам Абу Ханифа, Имам АхИмад.

Дагъустаннай машгъурсса шафии мазгъабрайн буну, кюрххил чакливу «Магъдина» къадуккирча, салам булуннин хъхъичи кива сужда буну хъинссар, мунийн «саджату-сагъви» учайссар.

Ттуршра цѳуцѳаврин дарув

Хилба (хельба, пажитник сенной, шамбала, донник голубой) ххяххайссар Европанаву, Ккавказнаву, Турциянал, Иракьнал, Ираннал ва Дянивмур Азиянал зунттаву. Хьуна дакъайссар Египетнаву ва Эфиопиянаву. Хьунмурчин ххяххайссар баргъ бурувгсса кланттурдай, зунттаву.

Дарувран ишла бувайссар мунил гьанна. Дагьустганнай махьсса ппурттуву му бур хьинну машгьур хьанай,



мунил дарувшивруа мюнпат ласласимийгу тамансса бур.

Аьрабнал духтуртурал учайсса бивкѳссар: «Хилбалуву цуксса мюнпат буссарив кѳулссания, халкьуннал му музил багьлунгума ласунссия», – куну.

Хилба ишла бувайссар чѳярусса цѳуцѳавурттан дарувну, хѳазран бакьар мунийн «ттуршра цѳуцѳаврин дарув» учайсса. Англиянал аьлимчув-дхтур Клебер тѳий ивкѳссар: «Цинцилттал ца чулий циняв даруртту, вамур чулий хилба биширча, цинцилтту архѳал дацѳанссия». Аьвзал заманная шинмай халкьуннал хилба ишла бувайсса бивкѳссар цала къашайшавуртту хьин дуван.

Аьрабнал духтуртурал хилба ишла бувайсса бивкѳссар шавурдан мазьру дуваншиврул.

Китайнаву му ишла бувайсса бивкѳун бур гьржа, бургьил зурзу (лихорадка) хьин дуван, ччарулулу, пурпукхи, бьувчѳун бишив цѳуцѳисса чѳумал, адаминал гуж чан хьусса чѳумал. Мукуна, хилбалул даруврал



хьин дувайсса диркѳссар лякьа къянка шаву, гьутрурдал цѳуцѳавуртту, лахьсса холестерин, арамутурал къашайшивуртту.

Индиянал хѳакинтурал хилбалийну хьин дувайсса диркѳссар язвалул цѳуцѳавуртту ва хьаннил къашайшивурду.

Хилбалул кумаг бувайссар хьугьу хьин дуван, чурххал кѳиришиву яларай дутан, иммунитет цаьк дуван. Диабет дусса инсаннангу хилба хьинсар тѳий бур.

Абу Аьли ибн Сина (Авиценна) чичлай ивкѳссар: «Хилбалийну кумаг шайссар къакьари цѳуцѳиманан, хьазамравусса цѳуцѳавурттан, паракьат бувайссар хьугьу ва астма, хаснува ницѳащал хѳала шахьарча. Гьивчѳул ссиркалуцал шавхьсса хилба хьинс-

сар ххюттукалул язвалун. Шѳинаву шавхьун хѳаѳарча, лякьа хьѳому шаврин кумаг шайссар. Хилбалул нагь хьинссар цѳумулул дурхурлулун. Му нагь ницѳащал шахьарча, мунил кумаг бувайссар ххюттукалува чапалшиву дуккан дуван, кѳуцин баву бигьа шайссар, геморойран кумаг бувайссар».

Грипп, бронхит, ларингит, синусит, пневмония, туберкулез, лахьисса хѳаллай бивсса хьугьу, бронхиальная астма хьин давриву хилба хьинну гужсса дарув хьанахьиссар. Хилба шавхьусса щинал марцѳ бувайссар цѳуму, ччарулулу, ххюттука.

Духтуртурал увкуну бур, хѳилкьуву оьрчѳ бусса хьамитайпалун хилбалул дарув букаву къахьиншиву цалчинсса ряхва зуруй.

Хилбалул чайлул оьттувусса сахар ва холестерин ялавай бувайссар. Му бакьассагу мунил хьаннил накѳ духлаган къадитайссар.

Хилба машан ласун шайссар гьанна-уртту дахлахисса кланай ягу исламрал тучаннава.

ИСА ОЪМАРОВ

ДИННАЛУЛ ЖАВГЪАР

Аькьилсса бусаларду

Жуларду

Ца аьадансса адамина ивкѳлакѳисса чѳумал, цала арснахь аманат бувну бур, на гьаттаву ишайни ттул ччаннай жуларду лаххи, куну. Арс махѳаттал хьуну ур аьжаивсса аманатрай, амма буттал тѳимур буванна куну бур.

Яла буттал, цала шяраваллил имамначан ца чагьар гьан бувну бур, цува дуниялия лагукун, га чагьар арснахьхьун булагу куну.

Цаппара хѳаллава га адамина накьлу хьуну ур. Суру бихьлан бивкѳукун, арс авчуну ур ганал ччаннай жуларду лахлай. Микку имамнал бувчѳин бувну бур, суру бакьасса цамур янна жаназалий лаххан къабучѳишиву, къаивтун ур жуларду лаххан. Арснал бувсун бур му буттал аманат бивкѳшиву, амма имамнал цукунчѳав ихтияр дуллуну дакъар.

Яла имамнал буккан бувну буттал чивчусса чагьар буллуну бур арснахьхьун. Пивтѳуну ккалан ивкѳун ур: «Ттул арс, дуниялий вайксса хьус дунура, ттушала гьаттаву жулаврдугума ласун къабьувхьунни. Инагу Аллагнаая хь нигьа увсун икѳу! Гьаттаву ласунмур хѳадур дува хьинбаларду чѳяву буллай. Хѳадуршинна дува вина щилчѳав кумаг къабувантѳисса къинилийн!»

Малаиктал хѳайран байма

Мадиналив ивкѳун ур Оьсайд бин Худайр тѳисса ансар. Ганал хьинну ххуйсса, бьохансса чѳуний Кьурьан буккайсса бивкѳун бур. Ца хьхьуну, га Кьурьан ккалай усса чѳумал чѳарав бувхѳусса чу хьит-шит тѳий, цѳуру-кѳуру буллалисса кунма бивкѳун бур. Оьсайд къаагьувкун, чугу паракьат хьуну бур. Ялагу ккалай айивхьукун, чу цѳунилгу азурда хьанан бивкѳур бур. Оьсайд кѳилчингу къаагьуну ур. Чугу паракьат хьуну бур. Чѳарав ивкѳун ур ганал

арс Яхѳья шанай. Чу аьжаивну бурхха, гаинл оьрчѳ ккуччу къауван, тѳий Оьсайдул цала арс гьаз увну цамур кланай ивхьун ур. Му чѳумал ганал яру ссавруннайн гьаз бувну бурча, ца чанна лархьсса ттуруллуха лархьхьусса зад ккарккун дур. Гьунтѳимур къини Оьсайд Идавсийчѳан лавгун, цанма ккавкмур бувсун бур. «Вин кѳуллив га ци диркѳсарив? – цѳувххуну бур Идавсил хь. «Аллагнаан ва Идавсин хьинну кѳулссар!» – куну бур ансарнал. «Гай бивкѳссар вил Кьурьан ккалакѳисса чѳуних вичѳи дишин бувкѳисса малаиктал. Ина кѳюрххилин Кьурьан ккалай ивкѳсания, кѳюрххил гай халкьуннан ккаккантѳиссия!» – увкун бур Расулулагьнал хь.

Саьд ибн Муаьз

Саляма ибн Аслямлул бувсун бур: «Сааьд бин Муаьз хьинну ххирассия Мухѳаммад Идавсин хь. Саьд ивкѳуну ур тѳисса хавар баяйхтту, Идавс цалва асхѳабтуращал гацѳана ганал къатлувун авчуна. Идавс хьхьичѳи най ия, жу – ганал хьирив. Мукуна най жу бивру Саьдул къатлулчѳан. Гиву ганал жаназа дия, яла цѳчѳав акьая. Идавс гивун увххун нанисса чѳумал, хѳаллих, ва ца щий-бунугу ччан бизан нигьа увсун куна най ия. Махь нанисса жуйнгу мабуххари, куну, ишара дуруна. Идавс гива увккуну, на цѳувххуссия: «Я Расулулагь, Саьдул къатлуву ттун цѳчѳав къаккавккуна, амма ина щиллив ялтту ша ласласисса куна най ияв. Вин гиву ци ххал хьур?» – куну. Идавсил увкуну: «Хьхьичѳива цалвагу аьрщарайн къабувкѳисса арулцѳалазара малаик бувкѳун бия Саьдул жаназа ларсун бачиншиврул. Кьатлуву гайнаха щяикѳансса клану бакьая. Ттушчагу ца малаик ивзукун акьа щяикѳан къавхьуна» – куну.

Оьрчѳал жавабру

Ца чѳумал Византиянал паччахѳнал цала аькьлукар гьан увну ур Багьдадлив бусурманнахьхьун шанма суал булуншиврул. Шагьрулийн ивукун, аькьлукарнал халифнан баян бувну бур цува хьунасса паччахѳнал гьан увсса инсан ушиву. Халифначѳан уххайхту ганал бувсун бур цаѳава бусурманнал аьлимтурахьхьун булунсса суаллу бушиву. Халифнал циняв аьлимтал батѳин бувну бур майданнив ганал суаллахьхьун жаваб дулун хьуншиврул. Византиянал аькьлукар лахьсса кланайнгу лавхьун, увкуну бур: «На зѳчѳан увкѳра дахьва шанма суал булуншиврул: «Аллагнаая хьхьичѳи ци диркѳссар?» «Аллагь цумур чулухунай уруглай уссар?» «Цана Аллагь ци дуллай уссар?»

Гай суаллу бавукун, гиккун бавтѳисса аьлимтал гьанавихи хьуну, учинмур бакьа ливчѳун бур, цанчирча, гукунсса суаллу булаву щалагу Исламрал динналул аслулийн къаршисса бунутѳий. Му чѳумал ца чѳивисса оьрчѳал чѳу бавну бур: «Бучѳиссарив ттун вай суаллахьхьун жавабру дулун», – тѳисса. Га ивкѳун ур цала буттащал увкѳисса оьрчѳ. Халифнаая ихтияр ласайхту, Византиянава увкѳма оьчѳахьхьун цалва суаллу буллай айивхьун ур:

«Аллагнаая хьхьичѳи ци диркѳссар?» – цѳувххуну бур ганал.

«Вища ацѳуннин биянни буккин шайрив?» – куну, жаваб дуллуну дур оьрчѳал.

«Шай, циванни къахьун!» – махѳаттал хьуну ур аькьлукар.

«Туну буки махьахьхьичѳунмай, ацѳунния айивхьуну», – куну бур оьрчѳал.

«Ацѳва, урчѳва, мийва...», тѳий калан ивкѳун ур аькьлукар, яла «...кѳива, ца», – куну авцѳуну ур.

«Ина циван авцѳура, гихунмайгу

букки», – увкуну бур оьрчѳал.

«Утти кьурталссар, гихунмай буккин къашайссар», – куну бур аькьлукарнал.

«Га «ца» увкѳисса цифралуяр хьхьичѳума цѳчѳав дакъасса, Аллагь Тааьланаяр хьхьичѳи ци дикѳан бьохьайссар?!», – куну бур оьрчѳал.

Аькьлукар учинмур бакьа ливчѳун, цалва кѳилчинмур суал буллуну бур: «Буси туну ттухь Аллагь цумур чулухунай урувгун уссарив?» – куну.

«Майлул чирахь лахьарча, ганил чани цумур чулухунмай буругантѳиссар?» – цѳувххуну бур оьрчѳал.

«Чирахьрал чани гьарца чулинмай бурувгун бикѳайссар, ца чулухун къабургайссар» – увкуну бур аькьлукарнал.

«Ина чирахьрал чани цумур чулинмай бурувгун буссарив бусан бьохьлай акьара, Аллагь Тааьла чун урувгун уссарив на вих цукун бусави!» – жаваб дуллуну дур оьрчѳал.

Византиянал аькьлукар вих хьун къахьанай ивкѳун ур: цукунни ва чѳивисса оьрчѳаву укунсса аькьлу бусса тѳий. Ганал щалва умуд бивкѳун бур цалва шамулчинмур суалланийн: «Буси ттухь цана Аллагь ци дуллай уссарив?» – куну бур.

Оьрчѳал янил ляпѳ учинуксса пикривагу къабувану, гацѳана жаваб дуллуну дур: «Цана Аллагнаан дин къюкьала дан чѳисса инсан ва мажлисраву цува къюкьин увну къаивтунни!», – куну.

Махь бакьа ливчѳисса аькьлукарнан бакѳу хьхьичѳун дуртун цала паччахѳначѳан зана хьун багьну бур.

Га оьрчѳи хьуна хьувкун, ганая гужсса аьлимчу хьуну ур. Оьрчѳан цѳагу диркѳун дур тѳар Абу Хѳанифа – хьунасса аьлимчу ва мазгьабрал имам.

ИСА ОЪМАРОВ

Дагестанский исламский университет и медресе имени шейха Мухаммад-Ариффа объявляют прием абитуриентов на очередной учебный год.



Обучение предназначено для получения целостных знаний о религии и подготовки специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа».

Продолжительность обучения: в Дагестанском исламском университете – 5 лет; в медресе – 3 года.

Принимаются юноши и девушки, имеющие среднее полное общее образование.

Прием документов – с 1 июня.

Перечень документов, необходимых для поступления:

- нотариально заверенная копия документа об образовании;
- копия паспорта;
- фотокарточки размером 3/4 – 5 штук;
- медицинская справка Ф 086;
- прививочный сертификат Ф 156/у-93;
- рекомендация от преподавателя религиозного обучения либо от руководителя мечети (имама), расположенной по месту жительства абитуриента.

Приём документов – ежедневно, кроме пятницы, с 9:00 до 17:00, перерыв – с 12:00 до 13:00.
Адрес: г. Махачкала, ул. Дахадаева, д. 136.
Тел.: +7 988 294 56 16.

Уважаемый абитуриент!

Дагестанский гуманитарный институт объявляет набор студентов на 2016-2017 учебный год.

Дагестанский гуманитарный институт – это образовательное учреждение высшего образования. Первое в Северо-Кавказском регионе учебное заведение, в стенах которого студенты получают и светское, и религиозное образование – в рамках федеральных государственных образовательных стандартов высшего образования.

Набор студентов на 1 курс очной и заочной формы обучения осуществляется по следующим направлениям подготовки:

Теология
Журналистика
Экономика
Бизнес-информатика
Лингвистика
Теология

Перечень необходимых документов:

1. Документ об образовании.
2. Фотографии 3x4 (8 шт.).
3. Копия паспорта.
4. Результаты ЕГЭ.

Срок обучения:

Бакалавриат – 4 года.
Магистратура – 2 года.

Прием документов:

Очная форма – с 31 марта по 25 июля.
Заочная форма – с 31 марта по 20 августа.

За историю своего существования институт показал себя как кузница специалистов по вышеуказанным направлениям. В вузе исключены любые проявления коррупции. На высоком уровне проводится воспитательная работа со студентами – с привлечением опытных специалистов.

Дагестанский гуманитарный институт – это одновременная подготовка высококвалифицированных современных специалистов по вышеуказанным направлениям и формирование личности через духовно-нравственное воспитание и обучение в атмосфере искренней доброжелательности и заботы о студентах.

Справки по адресам и телефонам:

Республика Дагестан,
г. Махачкала, ул. Дахадаева, 136.
Тел.: 8 961 838 61 23, 8(8722) 94 00 60
E-mail: mai@daggum.ru
Сайт: www.daggum.ru

Медицинский колледж имени Башларова объявляет набор на 2016-2017 учебный год на следующие отделения:

1. Сестринское дело (специальность – медицинская сестра/медицинский брат)
2. Лечебное дело (специальность – фельдшер)

3. Акушерское дело (специальность – акушер / акушерка)

4. Стоматология ортопедическая (специальность – зубной техник).

Справки по телефонам:

8-989-445-97-14, 8-988-781-36-13.
Часы работы – 9:00 – 17:00

Министерство образования и науки Республики Дагестан Профессиональное образовательное учреждение «Гуманитарно-педагогический колледж»

Лицензия 05A01 № 0001158
рег. № 6246 от 02.06.2015 г.

Свидетельство о гос. аккредитации № 6246 от 02.06.2015 г. до 02.06.2021 г.

объявляет набор абитуриентов, выпускников 9 и 11 классов, на 2016-2017 учебный год по следующим специальностям:

Дошкольное образование:

Квалификация выпускника: Воспитатель детей дошкольного возраста.

Срок обучения по очной форме: на базе 9 кл. – 3 г. 10 мес., на базе 11 кл. – 2 г. 10 мес., по заочной форме: на базе 9 кл. – 5 л. 10 мес., на базе 11 кл. – 3 г. 10 мес.

Преподавание в начальных классах:

Квалификация выпускника: Учитель начальных классов.

Срок обучения по очной форме: на базе 9 кл. – 3 г. 10 мес., на базе 11 кл. – 2 г. 10 мес., по заочной форме: на базе 9 кл. – 5 л. 10 мес., на базе 11 кл. – 3 г. 10 мес.

Экономика и бухгалтерский учет:

Квалификация выпускника: Бухгалтер.

Срок обучения по очной форме: на базе 9 кл. – 2 г. 10 мес., на базе 11 кл. – 1 г. 10 мес., по заочной форме: на базе 9 кл. – 4 г. 10 мес., на базе 11 кл. – 2 г. 10 мес.

Дизайн (по отраслям):

Квалификация выпускника: Дизайнер.

Срок обучения по очной форме: на базе 9 кл. – 3 г. 10 мес., на базе 11 кл. – 2 г. 10 мес., по заочной форме: на базе 9 кл. – 5 л. 10 мес., на базе 11 кл. – 3 г. 10 мес.



Социальная работа:

Квалификация выпускника: Специалист по социальной работе.

Срок обучения по очной форме: на базе 9 кл. – 2 г. 10 мес., 11 кл. – 1 г. 10 мес., по заочной форме: на базе 9 кл. – 4 г. 10 мес., на базе 11 кл. – 2 г. 10 мес.

Документы:

- документ об образовании или его копия, заверенная нотариусом;
- копия паспорта (свидетельство о рождении);
- 6 фотографий размером 3x4;
- медицинская справка формы 086у

Прием документов:

на очное отделение – с 10 июня по 15 августа, на заочное – с 10 июня по 30 сентября

Адрес приемной комиссии:

РД, г. Махачкала, ул. Аскерханова (Мира), 13а / ул. Дахадаева, 136

Контакты:

8-988-784-51-56
e-mail: gpkdag@mail.ru
www.gpkdag.com
www.gpkdag.rf

Рузнама

Август

| Къни | Къурххил чак | Баргъ букваву | Ахттайн чак | Ахттакъун чак | Маркъачан чак | Хъатлан чак |
|------|--------------|---------------|-------------|---------------|---------------|-------------|
| 1 | 02:47 | 04:38 | 12:01 | 15:59 | 19:16 | 20:46 |
| 2 | 02:48 | 04:39 | 12:01 | 15:59 | 19:15 | 20:45 |
| 4 | 02:52 | 04:41 | 12:01 | 15:58 | 19:12 | 20:42 |
| 6 | 02:55 | 04:43 | 12:00 | 15:57 | 19:10 | 20:40 |
| 8 | 02:59 | 04:46 | 12:00 | 15:56 | 19:07 | 20:37 |
| 10 | 03:02 | 04:48 | 12:00 | 15:55 | 19:04 | 20:34 |
| 12 | 03:05 | 04:50 | 12:00 | 15:53 | 19:02 | 20:32 |
| 14 | 03:09 | 04:52 | 11:59 | 15:52 | 18:59 | 20:29 |
| 16 | 03:12 | 04:54 | 11:59 | 15:51 | 18:56 | 20:26 |
| 18 | 03:15 | 04:56 | 11:58 | 15:49 | 18:53 | 20:23 |
| 20 | 03:19 | 04:59 | 11:58 | 15:48 | 18:50 | 20:20 |
| 22 | 03:22 | 05:01 | 11:57 | 15:46 | 18:46 | 20:16 |
| 24 | 03:25 | 05:03 | 11:57 | 15:44 | 18:43 | 20:13 |
| 26 | 03:27 | 05:05 | 11:56 | 15:42 | 18:40 | 20:10 |
| 28 | 03:31 | 05:07 | 11:56 | 15:41 | 18:37 | 20:07 |
| 30 | 03:34 | 05:09 | 11:55 | 15:39 | 18:33 | 20:03 |

Рекомендовано каноническим отделом Муфтията РД для г. Махачкалы

ХХИРАССА БУККУЛТИ

НАЙ ДУССАР 2016-КУ ШИНАЙНССА»АС-САЛАМ»

ККАЗИТРАЛ ПОДПИСКА.

ККАЗИТ ЧИЧИН ХЪУНТИССАР ЧЧИМУР ПОЧТАЛИЙ

ВА МУКУНМА ГЪАРЦА РАЙОННАЙССА ЖУЛ ВАКИЛТУРАЙХЧИН.

ККАЗИТ ЧИЧАВРИЛ ВА БИЯН БАВРИЛ ХИАКЪИРАВУ

ОЪВЧИН БЮХЪАНТИССАР ВА НОМЕРДАНИЙН:

8-988-264-56-58